



**Komisija za izbor i praćenje rada Agencije za prevenciju korupcije i koordinaciju
borbe protiv korupcije**

Broj: 01,02-50-1-910- 3/10
Sarajevo, 21.9.2010.

Z A P I S N I K

**3. sjednice Komisije za izbor i praćenje rada Agencije za prevenciju korupcije i
koordinaciju borbe protiv korupcije**

Sjednica je održana 21.9.2010., s početkom u 11 sati.

Sjednicom je predsjedavao Milorad Živković, predsjedavajući Komisije.

Sjednici su prisustvovali članovi Komisije: Niko Lozančić, Beriz Belkić, Dušanka Majkić, Ilija Filipović, Sulejman Tihić, Milorad Vulić i Mirsad Abazović.

Osim članova Komisije, sjednici su prisustvovali: Sadka Đonko, Željko Grubešić, Željko Kosmajac i Alma Salkić-Mijić iz Sekretarijata PSBiH.

Predsjedavajući je konstatirao da postoji kvorum za rad, te da sjednici prisustvuju svi članovi Komisije.

Komisija je jednoglasno usvojila sljedeći

D N E V N I R E D

1. Razmatranje prigovora kandidata.

Ad.1.

Predsjedavajući je konstatirao da je Komisija na 2. sjednici, održanoj 23.8.2010., razmatrala sve prijave pristigle na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.

U vezi s tim, Komisija je zaključila da formalne uslove Javnog konkursa ne ispunjavaju kandidati Damir Vejo i Nermin Mrkaljević jer uz prijavu na Javni konkurs nisu dostavili ovjerenu izjavu da nisu otpušteni iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije. Naime, umjesto navedene izjave Damir Vejo dostavio je potvrdu Agencije za državnu službu BiH, a Nermin Mrkaljević uvjerenje Granične policije BiH.

Na obavještenje Komisije o neispunjavanju formalnih uslova Damir Vejo i Nermin Mrkaljević uložili su prigovore Komisiji.

Predsjedavajući je, također, konstatirao da je Institucija ombudsmena za ljudska prava BiH uputila dopis Komisiji kojim se traži da dostavi odgovor na iznesene navode u prigovoru Nermina Mrkaljevića koji im je, također, dostavio prigovor.

U raspravi su učestvovali: Milorad Živković, Niko Lozančić, Beriz Belkić, Dušanka Majkić, Ilija Filipović, Sulejman Tihić, Milorad Vulić i Mirsad Abazović.

Imajući u vidu da su navedena potvrda Damira Veje, odnosno uvjerenje Nermina Mrkaljevića izdati na osnovu činjenica o kojima se vodi službena evidencija u skladu s članom 162. Zakona o upravnom postupku („Službeni glasnik BiH“, broj 29/02), Komisija je jednoglasno donijela sljedeći

Z a k l j u č a k

1. Prihvataju se prigovori Damira Veje i Nermina Mrkaljevića.
2. Centralnoj izbornoj komisiji BiH i Državnoj agenciji za istrage i zaštitu BiH bit će upućen zahtjev za provjeru imenovanih.
3. O ovom zaključku bit će obaviještena Institucija ombudsmena za ljudska prava BiH.

Sjednica je završena u 11,30 sati.

Zapisnik sastavila
Sadka Đonko

Predsjedavajući Komisije
dr. Milorad Živković